

Treffe vum Jugendgemengerot mam Schäfferot – 28.05.2016

Présencen :

- Stefano, Nicky, Laura, Claude, Michèle, Cindy, Gary, Diane Adehm, Ali Thull, Marc Lies, Robert Leven
- Virstellung vum neie Jugendgemengerot an Ordre du Jour
Rapport : Cindy

Zebrasträifen :

De Jugendgemengerot huet en Tour mam Vëlo duerch Hesper gemaach fir Zebrasträifen a Vëlosweeër ze testen. Eng Plaz ass de Jonken opgefall a si hunn dem Schäfferot virgeschloen zu Hesper beim Feldwee Richtung Cactus an och um Houwald Zebrasträifen bäizesetzen.

- Zebrasträifen uewen zu Hesper beim Feldwee Richtung Cactus kënnen net gemaach ginn ; d'Gemeng wäert erëm nofroe bei Ponts et Chaussées (dem Stat) mee wahrscheinlech ass d'Äntwert nee.
- Och um Houwald, well dat eng Zone 30 ass, ka keen Zebrasträife méi bäigesat ginn (cf Ponts et Chaussées / Inneministär / Transportministär).

Vëlo :

- D'Gemeng mécht e Katalog iwwert d'Stroossen déi fir d'Vëloe sinn (der Sécherheet no).

Grillplazen :

De Jugendgemengerot huet nach eng Kéier nogefroet wéinst enger Grillplaz am Hesper Park an huet 2-3 méiglech Plaze virgeschloen.

- Dem Schäfferot no sinn awer keng Grillplazen am Hesper Park méiglech, well et soss ze schwéier gëtt fir de Park propper ze halen.
- Picknick ass erlaabt.

Rothweit II :

Hei geet et ëm e grouse Wunnengsprojekt.

- Ass nach vill Plaz an der Gemeng fir ze bauen.
- 85 Wunnenge wäerte gebaut ginn (56 ze verkafen, 29 ze verlounen).
- Wunnenge fir Jonker an och Koppelen.
- Präis : d'Halschent vun deenen «normale» Präisser.
- Kinnt 2018 gebaut ginn.

Flüchtlingen :

De Jugendgemengerot huet sech mam Thema Flüchtlinge beschäftegt a beim Schäfferot gefrot wat d'Gemeng bis elo gemaach huet an nach an Zukunft virhuet.

- Fréier sinn di meescht Flüchtlingen déi an der Gemeng gewunnt hunn aus Ex-Jugoslawie komm ; momentan vill méi aus Syrien an Irak.
- Wunnen an der route de Thionville (1. Phase : gefrot fir hei zu Lëtzebuerg ze bleiwen, awer kee Krich/Gefor an hirem Land ; 2. Phase : Leit aus Krichslänner, mussen awer spéiderhin eng eege Wunneng fannen an Zukunft hei bilden) ; Kanner sinn an der normaler Schoul => Integratioun).
- 19. Juni : fête de l'amitié : Austausch vu verschiddene Kulturen

- 4. Juni : table ronde mat Jonken aus Ungarn a Rumänien

Skatepark :

De Jugendgemengerot wollt virschloen de Skatepark am Wanter ënner Dag ze setzen an ze belichten, fir dass e méi ka genotzt ginn an déi ganz Infrastruktur net esou vill Deeg am Joer onbenotzt do steet.

- D'Gemeng wäert dat kucken.
- Net ganz evident mam Reen ; och en Iwwerschwemmungsgebitt, dofir ginn et dann Oplage vum Stat un déi d'Gemeng sech muss halen, et däerf een net baue wat ee wëll an deenen Deeler.
- Et wäert komplizéiert ginn an et muss een nach vill Froe klären, dofir wëll de Schäfferot eng Propose vum Jugendgemengerot mat engem méi konkreten an detailléierte Plang : Wéi eng Zort Iwwerdaach, Beliichtung, Notze vun der Plaz,... ?
- Da kann een de Käschtapunkt kucken an op eng Autorisatioun méiglech ass.

SMS2Citizen :

Déi Jonk hu virgeschloen de Service SMS2Citizen méi oft ze benotze wa Stroosse gespaart ginn oder bei anere Saachen.

- D'Gemeng schéckt d'SMSen ; mee Internetsite vun der Gemeng ass méi informativ.

Kampagne fir den Déiereschutz :

De Jugendgemengerot huet seng Iddi presentéiert fir dës Sensibiliséierungsaktioun wou am Summer den Haaptfokus soll sinn dass d'Leit hiren Hond net am Auto waarde loossen. Dat soll virun allem iwwer sozial Netzwierker um Internet mam Hashtag #savetheanimals gemaach ginn.

- De Schäfferot schléit fir dass déi Jonk en Text mat Foto op d'Gemeng schécke fir an de Buet. Deadline : bis e Méinden mam Hashtag #savetheanimals.

Vakanzaktivitéiten :

Déi Jonk hunn nogefrot wéi d'Vakanzaktivitéiten an Zukunft sollen ausgesinn.

- Erëm wéi fréier, virum Mini-Hesper, momentan wëll de Centre Civique / d'Schoul renovéiert gëtt an da gëtt eng Evaluatioun gemaach.
 - o Atelieren dem Alter entsprechend.
 - o D'Gemeng stellt d'Aktivitéiten op/ reservéiert alles etc.

Klimaschutz :

- Klimapakt mat bal all Gemeng vu Lëtzebuerg zesummen
- All Iddi zum Thema kënnen dem Robert Leven geschéckt ginn => Ausstellung am Ökozenter
- www.solarhesper.lu